

万国史记

一
函
八
册
函

萬國史記卷十三

歐羅巴史第八

日耳曼記上

日耳曼五
諸侯
佛朗哥尼
侯則拉德
為皇帝
薩索克侯
顯理為皇
帝

日耳曼一稱蠻逸。在歐羅巴之中。東界奧斯地亞。普魯士。西接荷蘭。法蘭西南至瑞士。意大利。北連波羅的海。其中二十五邦並列。奧普亦嘗入其列。昔為蠻民所住。本與法蘭哥同種。分數小部。被服野獸皮。以劫奪其業。羅馬將塞薩爾征之。未盡入叛圖。經四百年。夷民垂涎。羅馬入意大利。占居其地。而日耳曼尚有數種遺民。日漸蕃滋。為法蘭哥帝沙立曼所攻服。隸其叛圖百餘年。時有無數君主。統屬其民。自沙立曼統絕。國中五諸侯分治。以立日耳曼聯邦之基。所謂五諸侯。一曰佛朗哥尼。二曰薩索尼。三曰蘇亞維亞。四曰巴威略。五曰羅拉尼。臨國事太棘。公舉其中一人登帝位。不及世。九百十二年。匈牙利人來侵。國人會議于窩牧。立佛朗哥尼侯剛拉德為皇帝。實醍醐天皇延喜十二年也。匈牙利人據巴訥尼亞。進渡萊茵河。入法蘭西。侵意大利。而日耳曼地方。每為其所寇抄。初薩索尼侯威力最強。及剛拉德立。威令不行。於薩薩侯顯理。欲得帝位。抵抗剛拉德。剛拉德倦政。欲以位與薩。九百十八年病卒。臨終召弟耶弗爾花。以位讓顯理。勿與爭。國人稱其虛懷。薩侯顯理遂即位。是為顯理第一。

自顯理第一傳至數世。稱薩索尼帝家。承加魯令氏衰亡之餘。屢為匈牙利所侵。匈人殘

薩索尼
顯理第一

暴常炙人肉啖之。見敵屍卽吮其血。奪人孩兒寸斷。使母見之。日人怖甚。每戰輒敗。顯理
 既卽位。謂我之不勝。非力不足也。惟由防禦之術有未盡耳。欲權講和紓禍。以謀後舉。九
 百二十四年。納歲幣於匈。還所俘一將。約休戰九年。築壁鑿湟環都邑。且築連珠砦。以便
 防守。又遷城外居民九分之一於內。合力守禦。定爲城外八分之民。見敵兵來侵。收資財
 入城。輸其所儲穀實於內。藏三分之一於倉廩。以備危急。使城中民平時各治其業。有事
 則出從軍。是謂城民增騎兵。厚其俸。使常操練。以熟進退擊刺之法。欲驗其力。發兵擊斯
 拉窩尼破之。又擊波希米及大尼。取其地置買先。及北薩索尼二國。九百三十三年。匈人
 責歲幣不與。匈人怒。大舉侵薩索尼。帝親將拒之。九百三十四年。大戰於墨色堡。帝軍沙
 列河畔山上。出兵下薄。匈陣乃引還者三日。使之慣兇猛。至四日。舉國旗上畫天使。米加
 勒像。親率諸軍下衝。匈人大敗。死傷無算。俘獲甚多。其犯強盜兇殺放火等諸惡者。皆數
 罪絞之。匈人始畏日耳曼兵威。

九百三十六年。顯理第一卒。國中諸大族。議立其次子阿多爲帝。號阿多第一。卽位時。魯
 達林奔侯修宮殿。佛耶哥尼侯辦食膳。刷比侯具飲酒。巴威略侯指揮侍衛。其儀之盛。爲
 古所未聞。自是日耳曼帝卽位。四侯必掌其事。是謂選侯特權。帝夙欽慕法蘭哥帝沙立
 曼功名。欲使國中侯伯畏威聽命。侯伯多懷異者。帝異母兄丹克馬乘輿興兵以叛。佛耶
 哥尼侯耶弗爾任應之。九百三十八年。丹克馬死。耶弗爾任佯降。與帝弟顯理及魯達林

莽侯。芝塞爾伯通謀復叛。九百三十九年。戰於安得拿。叛黨大敗。耶弗爾任芝塞爾伯並戰。歿。顯理逃不知所往。後禮拜日夜。帝過奎林堡市。顯理負幟罪囊。跪拜乞赦。帝惻然哀之。急起抱持。盡宥前罪。患叛者數起。奪王侯地與巴威略于顯理。蘇亞維亞于子羅德福。魯達林奔及佛朋哥尼於女婿剛拉德。羅拉尼於親臣。

意大利自加魯令氏統絕。羣雄割據。爭雄戰亂無息。弗里溫侯別連伽第一兵最強。振威國中。後爲刺客所殺。其孫別連伽第二嗣立。欲成先志。攻略四鄰。九百四十六年。行令全國。自稱意大利王。獨故王武額宿將魯達留不從。九百五十年。魯達留卒。別連伽盡取其地。欲國人服。已謀爲其子娶魯達留寡婦亞的來。亞的來不肯脫身而還。騎追獲致之。別連伽別連伽妻爲人兄惡梓亞的來。曳倒蹴之。別連伽錮亞的來於塔中。欲奪其志。有修行士乘夜穿壁載亞的來於漁舟。逃依瑪古伽拉曷速。乞救於帝。帝乃自將大軍入意大利。抵巴非亞。納亞的來立爲后。攻別連伽降之。平意大利全土。別連伽誓竭忠誠。因舉意大利封之。初帝之納亞的來也。帝子羅德福及女婿剛拉德並持不可。帝弗聽。二人遂相謀起兵。帝覺之。奪其國逐之。九百五十年。匈牙利人復大舉來寇。盡二人招之也。帝邀匈軍戰於奧斯堡。列幾之野。其地峯巒回匝甚遠。原野廣坦。極目不見一樹。唯有村落點綴。禾穀間生。匈人排陣原上。以待帝。帝分兵爲八隊。突敵陣出其後。縱橫疊擊。匈人大敗。死者十餘萬。自是不復侵日耳曼。是役帝得全勝。而其名將剛拉德戰歿。其他失勇士甚衆。

日耳曼帝
即位例法
皇加冕
意日二國
不和之深

阿多第一

市阿多第一

帝既以兵力挫匈人。又擊斯拉窩尼於波希米破之。波希米侯薄列士。半乞降。大將熱魯又取東薩索尼。置墨色堡。買先等數地。宏耶穌教。以振國威。帝誇功。欲得羅馬帝冕。使人諷教皇約翰第七。而意大利亦多請帝來臨國者。先是別連伽叛起兵。逼羅馬。教皇與諸侯伯議。乞援於帝。帝遣其子羅德福征之。羅德福率兵入意大利。獲別連伽。遂赦之。別連伽進毒羅德福殺之。恃勢跋扈。帝親將踰亞爾伯山。入意大利擒之。送盤山繫獄。瘐死。九百六十一年。帝在米蘭。戴倫巴多鐵冠。明年得羅馬帝冕於教皇。自是日耳曼帝定例冠日耳曼意大利羅馬三國之冕。必待教皇加之。經數百年。至帝馬西密憐第一。始止意大利人不欲戴異邦之君。屢起兵抗拒。每新帝即位。發兵討之。紛擾不已。加以教皇與皇帝屢生隙。二國仇怨益深。最爲大患。至意大利諸皇律技藝行於日耳曼者。寢多。頗稱有益。然其貽害靡之害。亦不小矣。帝既得羅馬帝冕。欲與教皇絕。以擅意大利國政。陰誘羅馬人人己黨。教皇聞之大怒。九百六十三年。帝會衆於羅馬。議廢教皇。立勒阿第八爲教皇。仍在意大利。屢討叛亂。九百七十三年卒。年六十一。帝殯勇過。人量寬厚。有屈服乞憐者。雖仇人皆有之。或使之露恩。是以能靖禍亂。卒奏成功。阿多第二。阿多第一之子也。母即亞的來爲太子時。已得羅馬帝位。娶東羅馬帝羅馬諾第二女帖痾法尼爲妃。及父卒。乃登日耳曼帝位。帝學問過父。而智謀勇略。則不及焉。然年少氣銳。欲立奇功。即位初。與法蘭西王魯參爾戰。取魯達林莽。又欲得下意大利。曰。余既與希臘公主婚。宜領下意大利。

九百八十二年出大軍與希臘戰於巴山的路希臘乞援於亞刺伯人在亞非理爲者亞刺伯出兵援之帝師敗績遁入海者二僅以身免明年卒

阿多第三阿多第二之子也幼冲襲位母帖病法尼祖母亞的來及大教長維里日並攝政三人同心輔導選耆德舉名儒熱爾別爲師傅九百九十六年帝年十六親至意大利戴羅馬帝冕是時意大利有格列仙修欲復共和政自稱公修爾不奉帝命帝親將兵擊而虜之斬其首挂屍於樹云衆懲後遂殺教皇約翰第十六立其師熱爾別爲教皇號西威士的第二帝深愛意大利風土欲定都羅馬以爲日耳曼首都班告兩國民皆不懌羅馬人結柵塞道路圍帝館帝挺身免帝深憤羅馬人舉動大會侯伯將大舉擊之一千二年罹疾而卒帝時大尼王耶力克據丁抹瑞典那威三國勢威強盛帝與耶力克戰破之尋講和定約使耶穌教徒得入其國敷教

阿多第三無子阿多第二之孫巴威略侯顯理受選卽位號顯理第二帝卽位初國中覬覦者甚衆諸豪族亦多黨之帝屢出兵伐之始得固位荷蘭侯直爾克第三據其地不服帝命魯達林奔侯若額弗力黎第三往伐之不克意大利弗黎侯亞兌伊聞前帝卒自立稱王帝自將伐之亞兌伊軍敗遁入道院謝罪帝赦之羅馬戴皇帝冕一千二十四年帝性慈祥深信神道修禮拜堂及道院不惜費用後人尊爲神聖

顯理第二無子薩索尼帝統緒帝位闕侯伯等會議六日終立佛朗哥尼公剛拉德第二

爲皇帝。帝既卽位。巡行國中。聽訟斷獄。伸幽枉。懲兇惡。日耳曼爭亂以來。法令不行。守土官隨意爲政。豪族養兵自衛。武斷從事。國中盜賊寢多。帝患之。出令自水曜日夕至月曜日朝。不得拔刀犯者。絕之。教門國人大悅。至謂上帝爲下民立此良法。帝愛王國。不爾艮土壤肥美。欲併之。先自不爾艮王路德福。欲傳國其子爾理。顯理天。至是。帝以兵威脅。路德福立約。卒後盡納其地。一千三十二年。路德福卒。不爾艮全土歸日耳曼。帝又欲靖意大利之亂。起兵赴攻。再次。會疾疫大行。不利而還。一千三十九年。帝卒。子顯理第三立。顯理第三志氣後邁。才略絕人。欲大革制度。易置侯伯。以張帝室之威。立太子顯理第四。爲王。生僅六週日。使侯伯誓約服從。又定教地規例。強教士遵行。巡視都鄙。普施專制之政。屢用兵他國。服波希米。降匈牙利。破波蘭。是時羅馬有三教皇爭權。一千四十六年。帝會議於意大利。盡廢之。立教長秋地熱爲教皇。號革理門第二。革理門使帝戴羅馬帝冕。帝強羅馬人立約。非藉日耳曼帝力。不得定教皇位。帝性嚴毅。深信神道。事神謙抑。常從其式。自修苦行。當祭日。肉袒懺悔罪業。使教徒鞭已。至流血。衆庶皆愛戴之。而豪家大族畏且怨者衆。一千五十六年卒。子顯理第四立。

顯理第四卽位。年甫六歲。母亞基尼攝政。可倫敦大長漢那。見帝幼冲。以爲奇貨可居。一千六十二年。設饗筵於萊茵河傍之開塞爾。威爾請帝母子酒闌樂甚。漢那誘帝至河濱。指漁舟華潔。請采之。潮洄。帝信漢那言。悅從之。舟人鼓櫂。舟行如飛。頃刻達於數里之遠。

帝見其國極投水舟人撈出遂館漢那家亞尼悲痛不禁赴意大利隱於道院漢那擅權遇帝嚴厲帝畏之不一語三年不來梅教大長亞特伯窺漢那亡奪帝赴薩索尼告帝帝曰王以已意爲國法導帝放肆唯其所欲帝深信亞特伯無言不聽一千六十五年帝年十六始親政先是亞特伯與薩索尼人有隙屢譖薩人於帝帝親政初在薩流連供億太多府藏匱竭薩人厭苦帝不以爲意更設法度勒制之薩人怒會于的利靖推漢那爲長迫帝黜亞特伯帝不得已從之一千七十年帝憤漢那專橫斥之使其不得言事巴威署候阿多漢那友也帝奪其地與意大利方伯物爾弗第四阿多大怒與薩候馬古那合從叛帝遣兵伐之擒二人帝嘗登高瞻望薩地曰美哉薩索尼之固陋哉薩索尼之民薩人間之怒羣起叛蘇亞維亞候路德福加林西候伯德爾多共助之一千七十四年帝大徵勤王兵伐薩人於何軒堡大破之帝待候伯不以禮候伯皆怒有貳心一千七十五年帝與薩人和撤城砦薩人乘勢發帝室陵暴露帝兄弟及幼子之骸放火焚之帝憤怒與諸候伯和復伐薩報之搶掠殘破甚酷卒以溫言慰諭與之約和乃食其言捕薩候伯禁錮之使國人看守是時教皇格勒革理第七與帝爭權薩人赴羅馬懇帝者甚衆路德福物爾弗伯德爾多三人亦通志格勒革理以敵帝

格勒革理初名黑得不朗神識高邁精通神理嘗憂教門多弊教士習惡見天下擾亂不止慨然曰教皇爲教門宗父不可坐視蒼生陷塗炭宣代耶穌基督毋論君民盡救之每

有爭戰身居其間。以解糾紛。一千五十九年。議廢皇帝及國人選舉教皇之例。定使教宰
選立教皇。及爲教皇開大公會。議定三憲。一曰。凡教士任教官者。不得娶妻。二曰。教職不
得以金買之。三曰。教爵既指環與杖。不得受之。時君自是。格勒革理益張皇持論曰。教皇
之權。齊於日月。當監世界。不唯有解世界糾紛之權。世界皇帝侯伯。不得不立教皇之下。
遂以一千七十六年。聽薩人告訴。與教官會議。召帝於審院訊鞫。遣使傳命曰。汝顯理罪
惡貫盈。宜期六旬。詣羅馬參會議。以受教門審判。否則絕汝於教門。帝怒。與諸教長親善
者謀。欲黜格勒革理。會議於高牧。使意大利祭司魯蘭多。齎書抵羅馬。格勒革理法服倚
榻。教宰教長以下。侍列左右。延使者問其旨。魯蘭多述帝言未畢。教士等奮起欲撲殺之。
格勒革理遽出救之。謂魯蘭多曰。此處要行教權。非行世權之地耳。執其書讀之曰。明明
日耳曼皇帝顯理與書於僞教士黑得不朗。格勒革理哂之。察日耳曼貴族不服。遂絕帝
於教門。廢其盟約。使全國臣民解君臣之約。讓教長言廢教皇者悉絕之。於是日耳曼臣
民忌帝如疫癘。無復一臣用命者。侯伯會議。遂廢帝。帝俄失大權。迫危亡。謂非解教皇之
忿。無以全生命。携皇后皇子赴意大利冒水雪。踰亞爾伯山。帝與從者數人匍匐皇后則
以牛皮裹體。繩束而下。遂到加諾撒會。格勒革理在此。帝往謝罪。格勒革理不見。帝服囚
衣。徒跣抵門。立風雪中。不通食飲三日。格勒革理乃見帝。赦其罪。縱還期。議會允准。不許
干預國政。帝愈怨辭去。至奧斯堡會議得復位。

意大利侯伯等憤格勒革理驕傲皆欲助帝帝亦欲借其力以報之格勒革理察知再紀
帝於教門廢其位立蘇亞維亞侯路德福爲帝日耳曼教士貴族等不服歸心於帝帝乃
還日耳曼與路德福戰三年兩軍死傷甚多一千八十年大戰於摩爾先堡路德福被創
而死日耳曼大半奉帝命帝乃以大軍入意大利攻格勒革理於羅馬羅馬受圍三年格
勒革理力竭走依諾爾曼侯羅伯介斯加羅伯廢之幽撒勒摩帝立格理門第三爲教皇
一千八十五年格勒革理卒於撒勒摩格勒革理幽厲疾志氣不挫深信其道以至於死
臨終語人曰吾愛正直惡暴戾所以致禍也帝歸日耳曼後敵人廢格理門立維克多爲
教皇早卒烏爾伴第二立爲教皇

路德福戰死日耳曼大族敵帝相議立盧森堡侯黑爾曼爲皇帝黑爾曼恥爲諸大族所
侮竟辭位帝不復慮日耳曼人教皇烏爾伴嗾帝長子剛拉德據意大利叛帝帝仇人助
之帝將親伐一千一百年剛拉德死其弟顯理亦起兵叛帝親將伐之顯理單身出降俯
帝足下深悔前罪涕泣請宥帝惻然赦之悉散遣其兵顯理急襲之執帝幽之教長等迫
帝脫冕剝紫袍一千一百五年顯理大會議於綿都從其黨之議廢父自立稱顯理第五
一千一百六十六年顯理第四卒於偶几無人收葬者偶几教長獨葬之以其爲教門所絕故
人多議之者遂復發骸骨埋瑪斯河小島後以石棺藏之置斯界爾僻地不葬五年及教
門解罪土人始禮葬之

顯理第五以悖逆得位。民心不服。多思前帝者。顯理不欲借教皇力。而欲冠羅馬帝冕。以兵三萬赴羅馬。教皇巴沙利力拒之。顯理命士卒縛巴沙利及教宰羅馬人齊起來攻。顯理擊破之。巴沙利乃爲加冕。立約不施教門之刑。後食其言。爭鬪數年不已。一千一百二十年。顯理與教皇加力斯多講和。約曰。教長長老皆教皇選舉之。皇帝不得授指環及杖。但教皇選教長等。皇帝或帝德必臨之。教長財產。則皇帝賜符節以爲據。一千二十五年。病卒無子。佛朗哥尼王絕統。

當是時。國中有二人覬覦帝位。一曰何軒士陶弗勒。弗勒得力。一曰薩索尼侯魯參爾。魯參爾藉教徒力入卽位。號魯參爾第二。弗勒得力據其國。不奉命。魯參爾欲奪其地。以其女妻巴威略侯。顯理勇敢又與薩索尼授爲己黨。由是兩族啟釁。爭鬪排擊及數百年。弗勒得力之弟剛拉德在意大利。由倫巴多人推舉爲上意大利王。時教皇伊諾森第二在位。下意大利王魯熱爾。立亞那克勒第二爲教皇。以敵伊諾森。加來爾皓教士伯爾拿勸帝助伊諾森。一千一百三十二年。帝將兵入伊大利。伊諾森爲加羅馬帝冕。一千一百三十五年。帝與弗勒得力和。何軒士陶弗勒力約服從。剛拉德亦去上意大利王位。而日耳曼全國遂歸帖靜。明年。帝再將兵至意大利。破魯熱爾。取加拉不利。一千一百三十八年。帝卒。佛朗哥尼侯剛拉德第三入卽位。

剛拉德第三爲何軒士陶弗勒族。既卽位。尊顯理勇敢所領巴威略薩索尼二國以薩與卑

國侯亞伯勒以巴與奧斯地亞侯里泊德顯理大怒起兵敵帝無幾歿子顯理獅兒嗣尙
幼母扼爾賴達與叔父物爾弗第六助之抗帝是歲帝攻瓦因堡拔之卽物爾弗族所守
怒其抗已欲盡誅之城中婦女涕泣請哀帝縱之使逃散且擔賣貨去不赦男子婦女晏
之各負其夫而出無復攜貨者帝大笑嘉其貞節遂併男子赦之一千一百四十一年里
泊德與巴威略於其弟顯理約索美弔爲己嗣顯理與扼爾賴達婚以解兩家之怨是歲
顯理獅兒攻薩索尼取其大半唯東方一部屬亞伯勒亞伯勒改稱其地曰巴郎丁堡
帝以其子弗勒得力幼冲立從子蘇亞維亞侯弗勒得力第一爲嗣弗勒得力鬚髮皆赤
意大利人稱之曰巴巴洛撒方言赤鬚也一千一百五十二年帝卒弗勒得力第一卽位
智略絕倫志氣剛邁欲長帝威比盛於加魯令氏卽位初修法度張紀綱約束侯伯使從
政令是時物爾弗族與何軒士陶弗族絕交顯理獅兒與顯理約索美弔以兵相鬪帝憂
之一千一百六十五年居間勸和使約索美弔棄巴威略與之獅兒陸約束美弔所領侯
國奧斯地亞爲公國

初意大利倫巴多諸邑推舉耆舊共和爲政貿易通商以致富饒遂恃已力抗帝米蘭誇
其強盛凌虐隣境小邑一千一百五十四年帝自將兵入意大利攻米蘭屬邑亞斯底朶
多那拔之至巴非亞戴倫巴多王冕又受羅馬帝冕於教皇亞的練第四先是羅馬人亞
爾那漢不勒西欲復共和政大聚黨與亞的練不能敵出奔投日耳曼陣凡教皇乘馬例

日耳曼帝爲執鐙。帝不肯。亞的練怒。謂是有惡意。帝深謝之。口舐其足。亞的練傲然自高。訪帝不敬。帝誓改過。後亞的練乘馬。帝執鐙。竊笑曰。未爲廐僕。拙於執鐙。遂引兵入羅馬。捕亞爾那焚殺之。亞的練爲加帝冕。帝引兵還日耳曼。尋又與亞的練生隙。逐其使。一千一百五十八年。米蘭叛。帝將步兵一萬五千。踰亞爾伯山。入意大利。伐米蘭。城中食竭。開門而降。跪拜求哀。帝盡赦之。會于畢仙撒東南倫加黎之野。議定皇帝威權。使意大利人立誓服從。約束未幾。北意大利諸邑民爭田租。復叛。會於米蘭起兵。據古勒麻。拒戰頗強。帝大怒。曳出其老人爲質者四十名。盡刎首。又縛名族質子於攻櫓上。以示城兵。城兵擲大石破櫓。併壓殺其子曰。汝弱齡爲國棄命。流芳百世。不亦幸乎。帝攻之。六月乃降。更進兵攻米蘭。數月陷之。平壘壁。倒樓櫓。移其民於外。其諸邑合米蘭者。盡屠之。意大利全土盡平。及亞的練卒。羅馬人選立兩教皇。一曰維克多第四。一曰亞歷山德第三。帝欲助維克多。廢亞歷山德。亞歷山德藉國人力。逐維克多。與米蘭人謀敵帝。方是時。帝室官吏貪殘虐下。諸邑皆有二心。一千一百六十七年。連和起兵。號倫巴多。連合州。議定立亞歷山德爲大首領。帝自將伐之。連合州兵威強盛。帝師無功。陣中疾疫流行。引兵而還。意大利人新築城米蘭西南。以表亞歷山德功德。謂之亞歷山德城。以兵一萬五千守之。一千一百七十四年。帝復興師南征。自帝初征意大利至此。凡五次。皆請顯理獅兒以兵繼發。顯理不肯。帝俯伏抱其膝。顯理不動。皇后見帝卑屈狀。走近謂帝曰。陛下宜起立。陛下不忘

此卑屈。則上帝必將保佑陛下。帝起坐。顯理傲然而去。既帝將兵入意大利。一千一百七十六年。戰里納那。奮前突敵陣。以兵少遂大敗。走與馬俱倒而絕。四日方蘇。意大利人請和。亞歷山德主持其事。會威尼斯。亞歷山德入禮拜堂踞榻。帝脫外衫。跪伏其前。口吮其足。亞歷山德感動。急起抱帝。亦吮帝。使坐已側。明日帝與亞歷山德臨彌撒祭。爲之執燈。步在馬前。至教皇宮。於是忌疑始解。親如兄弟。修好和式於宮中。引兵還。尋與諸爾曼人約休戰十五年。越六年。與倫巴多人會瑞西之官斯丹。議定約款曰。今後倫巴多人選舉頭領。專制都邑事務。連合諸部。存之仍舊。新築之寨。不要破壞。帝以里納那之敗。歸罪顯理獅兒。欲報之。屈意與意大利人和。歸日耳曼。遣使召獅兒至審院。將奪其國。獅兒不至。一千八十年。帝論其罪。當放竄。獅兒不去。舉兵抗帝三年。知力不敵。棄國去。帝乃與巴威略於信臣阿多。薩索尼於亞伯拿多。後又裂二國。創建數小國。獅兒走依英吉利。

初教皇聞挨及國。蘇爾且薩拉丁。威力日大。逼耶路撒冷。歷說歐洲君民救之。諸國互相推委。無復率先興兵者。及聞耶路撒冷之敗。帝發憤。與法蘭西王腓立奧古士都。英吉利王理查獅性謀。出兵東方。以滅異教徒。是爲第三次十字軍。帝命其子顯理監國。爲娶米蘭王維廉女。然後上道。徵第二次十字軍之役。先遣使匈牙利。希臘以哥紐三國。假道三國許之。希臘帝伊撒第二。以帝此舉爲非。謀沮其軍。國人不。服。事竟不行。出船載日軍。送

諸小亞細亞東入荒野。不得一勺水。乃殺馬食肉飲血。以療飢渴。土耳其輕騎來賓。不解甲者幾五旬。以哥紐蘇爾。且偵其疲倦。率三十萬衆來擊。口人奮鬪。殺敵一萬。降其城。取質子而去。一千一百九十年。帝至迦里加多那河。橋隘而衆爭渡。移時。帝不堪久待。躍馬亂流。水勢迅疾。人馬共溺。衆大驚拯之。已不及。日軍膽落。引回國者甚衆。帝第二子蘇亞維亞侯弗勒得力。鼓勇率殘兵。向巴勒斯坦。凌艱險入敵地。與英人法人圍亞格列城。積勞成病。卒於城下。

帝歿於亞細亞。子顯理第六立。貪暴。國人皆怨。先是顯理獅兒在英。聞弗勒得力赴東國。背約歸日耳曼。及帝卽位。率師擊之。不利。一千一百九十四年。與獅兒和。初諾爾曼爲帝父祖遺地。及其王維廉第三卒。帝欲得之。諾爾曼人弗聽。意大利諸部亦不欲從帝。屢謀背叛。有丹克勒乘間自立。稱意大利王。一千一百九十四年。病卒。其族代立。帝帥水軍攻下意大利。捕僞王。抉兩眼。錮道院。又捕意大利一侯。曳行街上而殺之。懸骨絞首架。捕一侯。受選爲王者。使坐熱鐵榻。加熱鐵冕於頭上。以殺之。

一千一百九十七年。帝卒。子弗勒得力第二尙幼。母君斯但智攝政。教皇伊諾森第三欲張教儒。要君斯但智罷攝政。弗勒得力親族憂之。立其叔父蘇亞維亞侯腓立爲帝。謀恢復帝室。物爾弗族立顯理獅兒第二子阿多第四爲帝。兩家和好。再破國內大亂。一千二百八十八年。威的爾巴克侯阿多以私怨殺腓立。國人共推阿多第四爲帝。阿多以安哥那斯

波勒多二地與伊諾森明申富牧所定和約第一款伊諾森悅招阿多於意大利爲加羅馬帝冕後阿多出兵擊諾爾曼與伊諾森啓教違約不予諸邑伊諾森怒議定其罪絕教門逐之外於是弗勒得力第二入日耳曼日人歡呼迎之一千二百十四年弗勒得力與法蘭西王腓立奧古士都連和擊阿多英王約翰與荷蘭發蘭德諸侯助阿多與弗勒得力戰於保非業阿多兵大敗走黨與盡散勢成大絀一千二百十五年弗勒得力即帝位於亞金帝志氣雄豪好學即位初議復出十字軍一千二百二十年教皇和那流第三以帝晉興軍爲加羅馬帝冕帝因循不決至和那流歿格勒革理第九嗣爲教皇促之太急尋帝娶耶路撒冷王約翰女汝蘭達事乃決一千二百二十七年徵諸軍至亞補里氣候炎熾疫疾大行士卒死亡無算不得已引兵而還教皇怒議帝罪絕之教門聖約翰及其他騎士等盡棄帝去惡帝如鬼域帝殊無變約之意會挨及國會加默爾弟與兄有隙大馬士革亂乞援一千二百二十八年帝親將兵征亞細亞是爲第五次十字軍帝得譴于教皇人助之者甚少唯丟度尼義團及撒爾薩侯黑爾曼從軍既至巴勒斯坦會加默爾第死與加默爾和約休戰十年定以耶路撒冷及其他教祖之地盡歸日耳曼統轄自戴耶路撒冷王冕登祭壇行拜禮時耶路撒冷師父與羅馬教宰爭議不決二國駭然帝旋軍還意大利格勒革理嘉帝踐約赦其罪厚遇之帝歸日耳曼行國政如故初帝之在東國也格勒革理令其兵士奪日耳曼屬地在意大利者爲置守兵帝還發兵逐之盡復其

地。格勒革理怒一千二百三十年。帝與格勒革理行成。格勒革理心未能平。聞倫巴多諸部謀自立。嗾之叛帝。一千二百三十四年。帝子顯理叛。父作亂。蓋受格勒革理騙也。帝遣兵伐之。顯理兵敗伏誅。

一千二百三十六年。倫巴多之役又起。初。帝弗勒得力赤鬚。嘗抱經營。四方之志。不幸中道而歿。帝繼其志。欲以頽齡建偉勳。聞倫巴多人復叛。米蘭爲之首唱。將兵入意大利。意大利人耶舌利那及西齊里回教徒。羣起援帝。一千二百三十七年。與倫巴多人戰于哥。的腦化大破之。米蘭人力屈出降。帝捕其貴族。投水火殺之。或囚土窖。使飢死。帝婿巴士亞放火劇場。焚殺都人。一萬二千。格勒革理怒其殘虐。再逐帝於教門。國中騷然。格勒革理嘗取撒丁島置戍。一千二百三十八年。帝遣其子袁西阿逐之。封袁西阿爲撒丁王。格勒革理深怨之。謀結倫巴多人抗帝。

蒙古紀日
耳曼國境

帝弗勒得力
赤鬚殺米
蘭人

戰日耳曼
人石像
九

之成
土埃戰

帝久駐意大利。經略其地。意大利全土將俸其令。忽得報曰。東寇來侵。先是蒙古酋長鐵木真侵略四鄰。聲勢甚長。國人尊之曰。成吉思汗。君之大義也。鐵木真及其子窩闊台並務遠略。吞滅哥克勒斯米。進兵侵匈牙利。波蘭。一千二百四十一年。大軍過兩國界。直進入細勒西之來呢都。細勒西介顯理。率騎兵數千邀之。瓦爾斯達兩軍奮勇戰太劇。蒙古軍遂大捷。然亦憚日人之勇。不敢深入。截日軍死者之耳。盛九囊攜之凱旋。初。騎士有假戰。敵人馬並被重鎧。臨場爭勝。或編隊伍以演之。貴婦人縱觀。手出諸物。以營勝者。騎士